

(كأنها بنته)

كلمة اتقالت في رسالة

دق القلب ساعتها بزيادة

فرحانة من قلبها كالعادة

رسمت ضحكة و كتبت ذكري

احتفظت بيها في اجندتها

عائشه في حلم كبير ياما

متعشمة أوي بزيادة

بتدعى في كل لحظة

يكون معاها و وياها

بتشد في روح تانيه

محتاجه أمانة

محتاجه الي يطبطب و يداوي

ولمسة أيده الي بيداويها

و روحه الحلوة البهيجة

اللي بتقدر تغير حالتها

لأحسن حالة

ضحكة طالعة من قلبها

وكالعادة بتعشق لمسة أيديه

وحضنه ليها بيحميها

كأنها بنته كأنها روح

متشعلق فيها بهواها

زايد حنينه ليها

و هي بتطمئن وياه

وتنسي الآه
